



Broj: 07-11-2020/22

Datum: 26.12.2022. godine

Na osnovu člana 70. stav (3) Zakona o javnim nabavkama ("Službeni glasnik Bosne i Hercegovine" broj 39/14 i 59/22), člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), člana 200. Zakona o upravnom postupku ("Službene novine Federacije BiH" br. 2/98 i 48/99), a na prijedlog Komisije za javnu nabavku roba, usluga i radova, v.d. Općinskog načelnika d o n o s i

O D L U K U **o izboru najpovoljnijeg ponuđača**

I

Za najpovoljnijeg ponuđača za javnu nabavku radova: „Izvođenje dodatnih radova na sanaciji, izmještanju i uređenju stanja podzemnih instalacija u sklopu radova na rekonstrukciji saobraćajnice i mosta u Ul. Braće Planja u sklopu Nove industrijske zone Vogošća“, po provedenom pregovaračkom postupku bez objavljivanja obavještenja o javnoj nabavci na Portalu javnih nabavki, izabran je slijedeći ponuđač:

Termo-beton d.o.o. Breza **sa ukupnom cijenom od 37.022,36 KM**

(slovima: tridesetsedamhiljaddvadesetdviije i 36/100 konvertibilnihmaraka) bez uračunatog PDV-a, odnosno 43.316,16 KM (slovima: četrdesettrihiljadtristotinešesnaest i 16/100 konvertibilnihmaraka) sa uračunatim PDV-om.

II

Za izvršenje ove Odluke zadužuje se Služba za komunalne poslove Općine Vogošća.

III

Odluka o izboru najpovoljnijeg ponuđača objavit će se na web stranici www.vogosca.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Postupak predmetne javne nabavke proveden je putem pregovaračkog postupka bez objavljivanja obavještenja o javnoj nabavci na Portalu javnih nabavki, a pokrenut je na osnovu Odluke Općinskog načelnika broj: 07-11-2020/22 od 20.12.2022. godine, a na osnovu odredaba člana 24. Zakona o javnim nabavkama BiH ("Službeni glasnik BiH" broj: 39/14 i 59/22).

U toku izvođenja radova na rekonstrukciji saobraćajnice i mosta u Ulici Braće Planja u sklopu Nove industrijske zone Vogošća (predmet broj: 07-11-1216/21) neophodno je bilo tretirati mnoštvo podzemnih instalacija koje se nalaze u trupu saobraćajnice i uz objekat mosta, kao što su: lokalni kanalizacioni kolektor, vodovodni kućni priključci i dio mreže, propust lokalnog potoka kroz trup saobraćajnice, postojeće elektroenergetske instalacije, dio gasne mreže u kontaktu sa objektom mosta, te telekomunikacione instalacije nekoliko operatera.

Značajan dio potrebnih radova izveden je uz podršku preduzeća u čijem su vlasništvu naprijed navedene instalacije, a jedan dio radova potrebno je da izvede izvođač radova na rekonstrukciji saobraćajnice i mosta kao odgovorno lice za kvalitet izvedenih radova na gradilištu, te zbog

činjenice da bez intervencija na podzemnim instalacijama nije moguće okončati radove planirane projektom.

O velikom broju podzemnih instalacija prisutnih na ovom relativno malom lokalitetu svjedoče svi učesnici u procesu realizacije projekta, a što je iznošeno kao neobična činjenica i otežavajuća okolnost na brojnim formalnim i neformalnim sastancima. Ovaj problem je i jedan od osnovnih razloga za produženje roka izvođenja radova koji je odobren od strane Općine Vogošća.

Izmjene na projektu, od kojih su neke vezane i za postojeće instalacije, evidentirane su i usaglašene kroz zapisnike sa sastanaka broj: 07-11-1216/21 od 12.05. i 27.09.2022. godine.

Također, kako bi se mogla izvršiti primopredaja i organizovati tehnički pregled izvedenih radova, neophodno je provesti test opterećenja mosta i urediti zelene površine u kontaktu sa saobraćajnicom, što nije predviđeno projektnom dokumentacijom.

Obzirom na navedeno, izvođač radova je Službi za komunalne poslove dostavio predmjer radova koje je neophodno izvesti, a koji nisu planirani projektnom i tenderskom dokumentacijom. Predmjer i predračun je upućen na Izjašnjenje Zavodu za izgradnju Kantona Sarajevo koji za Općinu Vogošća vrši nadzor nad izvođenjem radova.

Aktom Zavoda za izgradnju Kantona Sarajevo broj: 03-4-11720/22 od 13.12.2022. godine navodi se da je nadzorni inženjer saglasan sa opisom i količinama u dostavljenom predmjeru za radove koji se nisu mogli odvojiti od osnovnog ugovora.

Iz naprijed navedenih činjenica može se zaključiti da su navedeni radovi rezultat nepredviđenih okolnosti i da su neophodni, te da se ne mogu tehnički ni ekonomski odvojiti od ugovora za rekonstrukciju saobraćajnice i mosta, na način da mogu biti predmet nabavke na osnovu koje bi je npr. izvodio treći izvođač za potrebe realizacije projekta.

Procijenjena vrijednost javne nabavke bez uračunatog PDV-a je: 37.200,00 KM (slovima: tridesetsedamhiljadadvijestotine konvertibilnihmaraka).

Komisija za javnu nabavku roba, usluga i radova imenovana je Rješenjem Općinskog načelnika broj: 02-04-1966/21 od 28.12.2021.godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu jedine prispjele ponude, o čemu je sačinila Zapisnike, u kojima je utvrđeno slijedeće:

Dana 23.12.2022.godine u 10²⁵ sati pristigla je početna ponuda ponuđača Termo-beton d.o.o. Breza.

Dana 23.12.2022.godine u 11⁰⁰ sati Komisija za javne nabavke roba, usluga i radova je otvorila pristiglu početnu ponudu ponuđača Termo-beton d.o.o. Breza, kao jedinog ponuđača kojem je nadležna služba podnijela zahtjev za dostavljanje ponude, a iz razloga što se ugovor može dodijeliti samo navedenom ponuđaču, obzirom da je sa navedenim ponuđačem potpisan osnovni Ugovor o izvođenju radova na rekonstrukciji saobraćajnice i mosta u Ulici Braće Planja u sklopu Nove industrijske zone, na području Općine Vogošća, broj: 07-11-1216/21 od 03.12.2021.godine.

Nakon izvršenog otvaranja ponude Komisija za javne nabavke je pristupila pregledu cijena iz pristigle početne ponude Termo-beton d.o.o. Breza, broj: 730/22 od 23.12.2022.godine, te konstatovala slijedeće:

| | |
|--|---------------------|
| CIJENA bez PDV-a | 37.208,40 KM |
| Ponuđeni popust | 0% |
| Cijena ponude sa uračunatim popustom | 37.208,40 KM |
| PDV | 6.325,43 KM |
| Ukupna ponuđena cijena sa PDV-om i popustom | 43.533,83 KM |

Nakon izvršenog otvaranja i utvrđivanja cijene početne ponude ponuđača Termo-beton d.o.o. Breza, Komisija za javne nabavke je pristupila računskoj kontroli i analizi cijena iz ponude, te konstatovala neophodnost provođenja pregovora sa ponuđačem Termo-beton d.o.o. Breza, koji su i zakazani za 26.12.2022.godine u 10³⁰ sati.

Dana 26.12.2022.godine u 10³⁰ sati Komisija je u prostorijama Općine Vogošća u maloj sali na III spratu održala sastanak sa predstavnicima ponuđača Termo-beton d.o.o. Breza, G. Ahmet Turbo i G. Jakub Hašimović na kojem su izvršeni pregovori o elementima ponude kao i o cijenama iz početne ponude, i na kojima je Komisija za javne nabavke od ponuđača Termo-beton d.o.o. Breza zahtijevala umanjene cijene početne ponude i dostavljanje konačne ponude.

Predstavnicima ponuđača Termo-beton d.o.o. Breza je dostavljen Obrazac za konačnu ponudu-Aneks, Obrazac za cijenu konačne ponude-Aneks 2 i Nacrtni Ugovora-Aneks 3, koji trebaju, popunjen dostaviti u što kraćem roku na Protokol Općine Vogošća.

Dana 26.12.2022.godine na Protokol Općine Vogošća ponuđač Termo-beton d.o.o. Breza je dostavio konačnu ponudu broj: 741/22 od 26.12.2022.godine, te cijena konačne ponude iznosi kako slijedi:

| | |
|--|---------------------|
| CIJENA bez PDV-a | 37.208,40 KM |
| Ponudeni popust | 0,5% |
| Cijena ponude sa uračunatim popustom | 37.022,36 KM |
| PDV | 6.293,80 KM |
| Ukupna ponudena cijena sa PDV-om i popustom | 43.316,16 KM |

Komisija za javne nabavke roba, usluga i radova je izvršila računsku kontrolu konačne ponude ponuđača i konstatovala da nema računskih grešaka, te prihvatila konačnu ponudu ponuđača Termo-beton d.o.o. Breza broj: 741/22 od 26.12.2022.godine na iznos od 37.022,36 KM bez uračunatog PDV-a i sa popustom od 0,5 %.

Nakon uspješno obavljenih pregovora sa ponuđačem Termo-beton d.o.o. Breza u pregovaračkom postupku bez objavljivanja obavještenja o nabavci, ponuđač je cijenu početne ponude broj: 730/22 od 23.12.2022.godine u iznosu od: 37.208,40 KM bez uračunatog PDV-a, umanjio na iznos od 37.022,36 KM bez uračunatog PDV-a.

Komisija za javnu nabavku roba, usluga i radova jednoglasno je predložila v.d. Općinskog načelnika da donese Odluku o izboru ponuđača Termo-beton d.o.o. Breza, čija ponuda je ocijenjena kao najpovoljnija sa ukupnom cijenom ponude od 37.022,36 KM (slovima: tridesetsedamhiljadadvadesetdvije i 36/100 konvertibilnihmaraka) bez uračunatog PDV-a, te da se ponuđaču Termo-beton d.o.o. Breza dodijeli Ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o izboru najpovoljnijeg ponuđača donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08- 02-2-8303-1/14 od 09.10.2014. godine.

Izradila: Jasna Salihović



Kontrolisala: Melisa Kršo



DOSTAVITI:

- Termo-beton d.o.o. Breza
- Nadležnoj Službi
- a/a